

常甯耐汾陽解了真修結契蓋自然解世人住我不愛

十二勸

有信人從有真歸奉有謙德順有通理明有常無變有定無亂
有是忘非常善無惡真愛無著忘情無漏氣清通微全道神靈

十勸

一勸不得自知是愆過慢人縱意不改二勸不得自失錯嗔人
道著常起念怨人三勸不得自衒已是直言常說他人非四勸
不得誇自高滅一切入道之人五勸不得不依經教說道理六
勸不得有始無終心意常要似初相見之時七勸不得常說他
世人之短只要常言世人之美處八勸不得作事不平等不得
見有施利者愛見無施利者嫌九勸不得定慧者修行之人不
得不守靜未達理未開悟不得不看書十勸不得執著有無不
得不悟住行坐臥心常清靜

四言頌

述懷

功成身退清居養浩臨水依山閑看莊老地有松筠四時常好
洞天深處要行便到修真靈驗命住見効舊業消亡新愆莫造
真崇至道與世顛倒歸去淵明先遊蓬島趁了輪迴仙鄉無惱
古今達士因通三教

又

道藏輯要

仙樂集

三

胃集四
川名川

無始已來死沉萬劫天元將盡真錄救苦千千一二真心肯悟
意無憎愛高真見許人生百歲只尋生路積業如山難趨陰府
十惡罪重永居苦處陽功陰行怎生作做普生敬信莫起別慮
世財小可真實之語要動天地清靜餐素臨離幾日行行住住
暗有吏神晝夜察汝察得無私五師來度上奏天皇洪禧廣布
再觀三光後死難遇

又

百千禱助名傳萬古合宅全家意如龐許德孝兩成爲人貴富
預修性命永無病苦出離生滅不來不去大羅仙鄉得道常住
天光霞彩化成寶所六銖衣掛朝元異路闡苑蓬山真仙會處
道藏輯要

仙樂集

三

胃集四
卅文上

過了天元道緣難遇三教無分全真門戶無爲應爲誘人開悟
清平功行真非捨取陰陽之外先天之祖

又

伺候到來卽合參拜心交淡常意想不怪倏忽門東相別二載
山水依然人多不在命如珠露怎得無壞生在中華數盡難再
寸靈道寶萬金難買未盡貪爭都緣恩愛名利四業人人都解
卻明道德眞通法海祥煙瑞氣結成雲蓋信步松峯神超雲外
世僞知空死生事大洞天清隱無拘自快幹運沖和二儀交泰
達了希夷眞昇陽界做做許龐無恩無害

又

百歲人生七旬稀少世爲知空何時有了大道自然清平是妙
萬物無愆勝如作醮古今世夢頓明眞曉識破浮生總歸一笑
性命之外生前好掉

又

爲官清正眞無罪病上有四恩積行普敬忠孝治民靜心養性
意不外遊自然神定掩惡揚善非言莫聽去除憎愛常行平等
弗戀世華閑步松徑綠水青山洞天仙景本來面目鍊磨如鏡
明今照古守道自省功德周圓大羅朝聖

又

人生七十古今稀少世夢知虛都歸一笑閑裏尋閑忘機是了

道藏輯要

仙樂集

三

胃集四

萬種空華轉頭虛矯眞崇道德漸通玄妙意除憎愛勝修大醮
身中性命一事非小似做清平陰公難叫

又

無中明有妙通神咒玉液瓊漿重樓上有醒時清眞命延福壽
金剛四句經中慈救天道難言無形不朽顛倒陰陽卯昇見酉
希夷自然三光靈秀閨苑仙花勝春花柳運轉南辰慧觀北斗
大達無爲任從飛走

又

閑念眞經勝言非是萬事知空闕然不二敬眞無退了明仙子
松竹爲隣守道清志始終弗變天機暗賜妙覺眞常俱忘動止

巨初容貌有形難似陰陽之外出離生死

又

子母相逢自然明道敬信真心歸依三教憎愛去除應變通奧
意泯貪爭無罪無惱命似珠露修行宜早認得巨靈永弗生老
頓覺微光雲路便到松峯樂道隨緣一飽結就汞鉛養成內貌
功行雙全眞昇蓬島

又

市用百貫買樹四株莫強他求只助工夫未見之事少實多虛
自願結緣敬信不無萬中有一福行有餘武宮仙觀勅額靈虛
出家冷七翁昇化親族重辨齋道場叮囑道人不得要看

道藏輯要

仙樂集

三

胃集四

經錢

看經無錢只喫齋飯羽衣自願道場好看至德洪禧掩非人讚
未了眞修多少魔難眼前聲聞理明虛幻口心相應世間希罕
慈救眾生總超彼岸覺性冲和金相間鍊就眞形一衝雲漢

又

父母生前幾箇眞知人言上壽中壽者稀自幼至老有悟有迷
福愆兩事逐性相隨身如月缺命全無虧明道弗妄了眞何疑
靈光透出便見霄梯慧觀八極撒手東西天道難言實妙希夷
既通福行鬼使難追洞天咫尺閬苑瑤池自然寶劍常鎮蛇龜
物物無著三界超離蛻殼眞去空外雲歸